

Universitätsbibliothek Paderborn

Viridarivm Sanctorvm

Ex Menæis Græcorum lectum, translatu[m] et Annotationib. similibusq[ue]
passim, historijs Latinis, Græcis; editis, ineditis illustratum

Rader, Matthäus

Avgvstae Vindelicorvm, 1607

S. Simeon Cognomento Priscvs.

urn:nbn:de:hbz:466:1-43013

ret. Fertur prius gallinas triginta uno die absumisse. Postea virti sancti precibus ad eam temperantiam redacta est, ut neque dimidiā amplius esse posset. Numinis ergo sincerus constansque cultor, natus amplius annos septuaginta ad Dominum ē vitā discessit.

ANNOTATIO.

Prædicat hunc S. I. Damascenus lib. de imaginum calumniatoribus. Theodoretus hist SS. patrum C. XIII. fusè eiusdem vittam describit. De quibusdam voracibus diabolishominem simulantibus vide N. Serarium ad Tob. c. 6. p. 101.

S. SIMEON COGNOMENTO PRISCVS.

HIC à puero vitam in solitudine religiosam sectatus in angusto admodum antri latibulo degebat, nulloque cibo hominum cura factō vescebatur, sed sponte nascentibus herbis edulibus pascebatur. Incessit in eum cupido montis petendi, in quo Moyses latuerat, quem ingressus, pronus septem totos dies absque ullo alimento in votis & lacrymis traduxit, nec prius surrexit, quam cœlesti voce iuberetur surgere, propositaq; tria poma sumere. Cum ergo

ergo surgeret, nam cernuus iacuerat, tria mala reperta magno animi gaudio degustauit. Regressus ex monte, duo cœnobia condidit, vitæque laboriosæ modum ipso fine viuendi fecit.

ANNOTATIO.

PRædicat hunc Theodoretus lib. 4. Eccles. hist. & cap. 6. SS. patrum historia vitam copiosius describit.

28. Ianua. S. EPHRAEM SYRVS.

Græc.

1. Feb. Lat.

HIC in oriente natus, gente Syrus * Theodosio M. imperante floruit, qui pietate Christiana à maioribus hausta, in ipsa prope pueritia religiosum vitæ monasticæ genus, est complexus. libros cœlesti gratiæ fonte inundatus, plurimos salutari pœnitentiæ luctu plenos edidit, multisq; seclandæ virtutis auctor extitit, et unicum religiosæ vitæ exemplum posteris reliquit. Celebratur dies ipsi festus in æde S. Aquilinæ in loco quem Philoxenum, haud procul à foro situm, nominant.

ANNOTATIONES.

Sozomes*. **VT omnes scriptores S. Ephræm Syrum affir-
munt, ita non omnes in assignanda patria
Ecces. l. 3. conueniunt, sed * Nisibitam alij, alij Edessenum
6. 15. fuisse